

**DEWAN RAKYAT
PEMBERITAHUAN PERTANYAAN
MESYUARAT PERTAMA, PENGGAL KEDUA
PARLIMEN KEEMPAT BELAS (2019)**

PERTANYAAN : BUKAN LISAN

**DARIPADA : YB DR. AZMAN BIN ISMAIL
[KUALA KEDAH]**

SOALAN : 103

YB DR. AZMAN BIN ISMAIL [KUALA KEDAH] minta PERDANA MENTERI menyatakan semua peruntukan undang-undang yang ada untuk mendakwa pihak-pihak yang mereka cipta dan menyebarkan berita-berita palsu yang menimbulkan kebencian, rasa sakit hati dan dendam di kalangan anggota-anggota masyarakat terutamanya yang menyangkut isu-isu agama dan bangsa.

JAWAPAN: YB DATUK LIEW VUI KEONG
MENTERI DI JABATAN PERDANA MENTERI

Tuan Yang di-Pertua

Peruntukan undang-undang yang ada untuk mendakwa pihak-pihak yang membuat dan menyebarkan berita-berita palsu yang menimbulkan kebencian, rasa sakit hati dan dendam di kalangan masyarakat terutamanya yang menyentuh isu agama dan bangsa adalah seperti berikut:

(a) Kanun Keseksaan [Akta 574]

“Uttering words, etc., with deliberate intent to wound the religious feelings of any person

298. Whoever, with deliberate intention of wounding the religious feelings of any person, utters any word or makes any sound in the hearing of that person, or makes any gesture in the sight of that person, or places any object in the sight of that person, shall be punished with imprisonment for a term which may extend to one year or with fine or with both.

Causing, etc., disharmony, disunity, or feelings of enmity, hatred or ill will, or prejudicing, etc., the maintenance of harmony or unity, on grounds of religion

298A. (1) *Whoever by words, either spoken or written, or by signs, or by visible representations, or by any act, activity or conduct, or by organizing, promoting or arranging, or assisting in organizing, promoting or arranging, any activity, or otherwise in any other manner—*

- (a) *causes, or attempts to cause, or is likely to cause disharmony, disunity, or feelings of enmity, hatred or ill will; or*
- (b) *prejudices, or attempts to prejudice, or is likely to prejudice, the maintenance of harmony or unity,*

on grounds of religion, between persons or groups of persons professing the same or different religions, shall be punished with imprisonment for a term of not less than two years and not more than five years.”.

(b) Akta Hasutan 1948 [Akta 15]

“Kesalahan

4. (1) *Mana-mana orang yang—*

- (a) *melakukan atau cuba melakukan, atau membuat apa-apa persediaan untuk melakukan, atau berkomplot dengan mana-mana orang untuk melakukan, apa-apa perbuatan yang mempunyai*

*kecenderungan menghasut, atau, jika dilakukan,
akan mempunyai kecenderungan menghasut;*

- (b) *menyebut apa-apa perkataan menghasut;*
- (c) *mencetak, menerbitkan, menjual, menawarkan
untuk dijual, mengedarkan atau mengeluarkan
semula apa-apa penerbitan menghasut; atau*
- (d) *mengimport apa-apa penerbitan menghasut,*

*melakukan suatu kesalahan dan, apabila disabitkan, boleh bagi
kesalahan kali pertama didenda tidak melebihi lima ribu ringgit atau
dipenjarakan selama tempoh tidak melebihi tiga tahun atau kedu-
duanya dan, bagi kesalahan yang kemudian, boleh dipenjarakan
selama tempoh tidak melebihi lima tahun; dan apa-apa penerbitan
menghasut yang didapati dalam milik orang itu atau yang digunakan
sebagai keterangan dalam perbicaraannya hendaklah
dilucuthakkan dan boleh dimusnahkan atau dilupuskan dengan apa-
apa cara lain sebagaimana yang diarahkan oleh mahkamah.*

(2) *Mana-mana orang yang ada dalam miliknya tanpa
sebab yang sah apa-apa penerbitan menghasut melakukan suatu
kesalahan dan, apabila disabitkan, boleh bagi kesalahan kali
pertama didenda tidak melebihi dua ribu ringgit atau dipenjarakan
selama tempoh tidak melebihi lapan belas bulan atau kedu-
duanya, dan, bagi kesalahan yang kemudian, boleh dipenjarakan
selama tempoh tidak melebihi tiga tahun, dan penerbitan itu
hendaklah dilucuthakkan dan boleh dimusnahkan atau dilupuskan*

dengan apa-apa cara lain sebagaimana yang diarahkan oleh mahkamah.”.

Tafsiran “menghasut” dan “kecenderungan menghasut” masing-masing diperuntukkan di bawah seksyen 2 dan 3 Akta 15 seperti yang berikut:

“Tafsiran

2. Dalam Akta ini—

“menghasut” apabila dipakai bagi atau digunakan berkenaan dengan apa-apa perbuatan, ucapan, perkataan, penerbitan atau apa-apa benda lain menjadikan perbuatan, ucapan, perkataan, penerbitan atau benda lain itu sebagai yang mempunyai kecenderungan menghasut;

Kecenderungan menghasut

3. (1) Sesuatu “kecenderungan menghasut” ialah kecenderungan—

(a) *bagi mendatangkan kebencian atau penghinaan atau bagi membangkitkan perasaan tidak setia terhadap mana-mana Raja atau Kerajaan;*

(b) *bagi membangkitkan rakyat mana-mana Raja atau penduduk mana-mana wilayah yang diperintah oleh mana-mana Kerajaan supaya cuba mendapatkan perubahan, dengan apa-apa cara selain cara yang sah,*

apa-apa juga yang wujud menurut undang-undang di dalam wilayah Raja itu atau wilayah yang diperintah oleh Kerajaan itu;

- (c) *bagi mendatangkan kebencian atau penghinaan atau bagi membangkitkan perasaan tidak setia terhadap pentadbiran keadilan di Malaysia atau di mana-mana Negeri;*
- (d) *bagi menimbulkan perasaan tidak puas hati atau tidak setia di kalangan rakyat Yang di-Pertuan Agong atau rakyat Raja mana-mana Negeri atau di kalangan penduduk Malaysia atau penduduk mana-mana Negeri;*
- (e) *bagi mengembangkan perasaan niat jahat dan permusuhan antara kaum atau golongan penduduk yang berlainan di Malaysia; atau*
- (f) *bagi mempersoalkan apa-apa perkara, hak, taraf, kedudukan, keistimewaan, kedaulatan atau prerogatif yang ditetapkan atau dilindungi oleh peruntukan Bahagian III Perlembagaan Persekutuan atau Perkara 152, 153 atau 181 Perlembagaan Persekutuan.”.*

(c) Akta Komunikasi dan Multimedia 1998 [Akta 588]

“Penggunaan tidak wajar kemudahan rangkaian atau perkhidmatan rangkaian, dll.

233. (1) Seseorang yang—

- (a) dengan menggunakan mana-mana kemudahan rangkaian atau perkhidmatan rangkaian atau perkhidmatan aplikasi secara sedar—
- (i) membuat, mewujudkan atau meminta-minta; dan
- (ii) memulakan penghantaran, apa-apa komen, permintaan, cadangan atau komunikasi lain yang lucah, sumbang, palsu, mengancam atau jelik sifatnya dengan niat untuk menyakitkan hati, menganiayai, mengugut atau mengganggu orang lain; atau
- (b) memulakan suatu komunikasi dengan menggunakan mana-mana perkhidmatan aplikasi, sama ada secara berterusan, berulang kali atau selainnya, dan dalam masa itu komunikasi mungkin atau tidak mungkin berlaku, dengan atau tanpa mendedahkan identitinya dan dengan niat untuk menyakitkan hati, menganiayai, mengugut atau mengganggu mana-mana orang di mana-mana nombor atau alamat elektronik, melakukan suatu kesalahan.

(2) . . .

(3) *Seseorang yang melakukan suatu kesalahan di bawah seksyen ini apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi satu tahun atau kedua-duanya dan hendaklah juga boleh didenda selanjutnya satu ribu ringgit bagi setiap hari kesalahan itu diteruskan selepas pensabitan.”.*